

ISLAMSKI PEDAGOŠKI FAKULTET UNIVERZITETA U ZENICI
UREDNIŠTVO ZBORNIKA RADOVA

Časopis *Zbornik radova Islamskog pedagoškog fakulteta u Zenici*, je naučno-stručni časopis koji izdaje Islamski pedagoški fakultet Univerziteta u Zenici, Prof. Juraja Niedharta 15, 72000 Zenica, Bosna i Hercegovina.

PRAVILNIK
o etičkom ponašanju i sprječavanju zloupotrebe u *Zborniku radova*

Ovaj Pravilnik određuje odnose i definira etično ponašanje svih strana koje su uključene u objavljivanje: autora, urednika, recenzenata, izdavača i institucijskog nosioca/ osnivača. Pravilnik o etičkom ponašanju i sprječavanju zloupotrebe u časopisu *Zbornik radova* temelji se na primjerima dobre prakse koju preporučuje *Committee on Publication Ethics (COPE)*, prema *COPE Conduct for Journal Editors*.

Pravilnikom se želi garantirati urednička odgovornost, poštenje, jednakost, zaštita privatnosti i transparentnost prilikom objavljivanja znanstvenih i stručnih radova u časopisu *Zbornik radova*.

1. OPĆE ODREDBE

1.1. Zaprimanje i objavljivanje radova

Uredništvo se sastaje jednom mjesečno ili po potrebi i raspravlja o pristiglim člancima i recenzijama.

Uredništvo odlučuje o naučnoj i stručnoj prikladnosti prijavljenih članaka za objavljivanje, prema definiranim metodološkim uvjetima. Svaki rad koji je poslan uredništvu za časopis, bit će uzet u obzir ukoliko udovoljava temeljnim metodološkim, naučnim i stručnim kriterijima koji su objavljeni u časopisu.

Nakon što je rad prihvaćen, Uredništvo šalje članak na dvije anonimne recenzije. Recenzente odabire Uredništvo pri čemu se uzimaju u obzir naučne kvalifikacije recenzenata, podudarnosti njihovog znanja i istraživanja s područjem na kojem se temelji članak koji se upućuje u recenzentski postupak.

Uredništvo vodi računa da recezent nije u „sukobu interesa“ s autorom prijavljenog članka.

Uredništvo se ne mora slagati s preporukama recenzenata te za vrijeme postupka objavljivanja može odbiti prosljediti rad na recenzije ukoliko utvrdi da rad ne zadovoljava definirane kriterije časopisa ili ako utvrdi da je riječ o znanstvenom nepoštenju ili pak o plagijatu.

Ukoliko recezent utvrdi da članak treba eventualnu doradu, članak se prosljeđuje autoru preko sekretara Uredništva *Zbornik radova*, ne otkrivajući ime recezenta.

1.2. Povjerljivost zaprimanja članaka i recenzentskog postupka

Garantira se povjerljivost prema svim autorima i njihovim radovima od trenutka zaprimanja rada do objave.

Uredništvo neće obavijestiti ni jednu drugu stranku, osim uredništva, o recenzentima koji su dodijeljeni, neće javno raspravljati o mogućim recenzentima koje namjeravaju angažirati u postupku recenziranja, a navedeni podaci neće biti dostupni svim drugim stranama koje učestvuju u procesu objavljivanja.

Uredništvo također vodi računa da potencijalni recezent, u slučaju neprihvatanja članka za recenziju ili nepravovremenog dostavljanja recenzije, drži neobjavljeni sadržaj u tajnosti.

Neobjavljeni materijali i članci koji su predani u časopis označavat će se posebnim numeričkim oznakama kako bi se sačuvala privatnost i anonimnost autora i dodijeljenih recenzenata.

Uredništvo ne smije za svoju ličnu korist upotrebljavati podatke iz zaprimljenih radova dok ti radovi ne postanu javno dostupni i neće na bilo koji način koristiti privilegirane informacije koje se nalaze u radovima.

Posebno će držati tajnim podatke do kojih je kroz svoja istraživanja došao autor.

1.3. Jednakost pristupa

Urednik će se prema svakom autoru odnositi jednako, nezavisno o bilo kojim predrasudama utemeljenima na rasi, vjeri, spolu, rodu, godinama, političkoj opredijeljenosti ili geografskom porijeklu autora.

Pojmovi koji se koriste u ovom *Pravilniku*, a koji imaju rodno značenje, bez obzira na to jesu li korišteni u muškom ili ženskom rodu obuhvataju na jednak način muški i ženski rod.

2. OBAVEZE RECENZENATA

Recenzenti će, nakon prihvatanja učestvovanja u postupku recenziranja, u skladu s postojećim znanjima te uz što je više moguće objektivnan postupak ocjene rada, pristupiti izradi recenzije. Svoju će prosudbu opisati u recenzentskom obrascu.

Ocjenjivanje rada ne smije se temeljiti na mjerilima koja nisu neposredno mjerodavna za objavljeni rad.

Ukoliko recenzent u bilo kojem trenutku procijeni kako ne posjeduje dovoljna znanja ili da ne će uspijeti izvršiti povjereni mu zadatak u određenom vremenskom roku, da bi mogao nastaviti postupak recenziranja, dužan je o tome obavijestiti uredništvo u što kraćem roku.

Recenzent o postupku recenzije i temi članka za koji treba napisati recenziju neće davati javne informacije, odnosno neće o članku ili o podacima iz članka javno govoriti.

Recenzenti će posebno voditi računa o mogućem pogrešnom citiranju ili plagiranju podataka ili izjava koje se nalaze u članku te će o svakom takvom slučaju informirati urednika, na temelju jasno potkrijepljenih činjenica i podataka, direktnim uvidom i opisom navedenog. Autori trebaju odgovarati za svoje intelektualno vlasništvo, te u članku detaljno navesti sve eventualne koautore na dostavljenom članku.

Recenzenti će izbjegavati sukob interesa, a na poseban način bilo kakvu moguću povezanost s autorom ili institucijama koje su povezane s člankom.

3. OBAVEZE AUTORA

Autori trebaju odgovarati za svoje intelektualno vlasništvo, te u članku detaljno navesti sve eventualne koautore na dostavljenom članku.

Autorstvo rada se odnosi na osobe koje su doprinijele nastanku rada. Autori koji su predali rad na objavu obavezuju se da su svi koji su navedeni kao autori rada učestvovali u njegovoj izradi sa svim navedenim afilijacijama.

Autori su dužni voditi računa o znanstvenoj korektnosti te svjesnosti da članak već nisu prethodno negdje objavljivali.

Autori se obavezuju da predaju autorski rad, pri čemu posebno moraju voditi računa o tačnosti podataka, kao i referencama i osobama koje spominju u svom radu.

Autor se obavezuje da je napisao i predao izvorni rad. Ukoliko koristi tuđe podatke, riječi, izjave, citate, odnosno ukoliko prenosi tuđe riječi ili rečenice, obavezuje se na dosljedno citiranje.

Autor se obavezuje da dostavi izvorne rezultate istraživanja, uz prilagođene slike, grafičke prikaze, tabele itd., kako bi se omogućila očiglednost recenzentima te olakšala priprema podataka prilikom objavljivanja.

Ukoliko rad donosi istraživanja koja se odnose na djecu ili društveno osjetljive grupe, autori se obavezuju da su se prilikom provedbe istraživanja pridržavali svih zakonskih propisa, kao i etičkih kodeksa, koji definiraju obaveze i odgovornosti istraživača.

Autori moraju izbjegavati mogući sukob interesa bilo koje naravi, pogotovo onaj koji je mogao utjecati na rezultate njihovog rada.

Ukoliko autor naknadno utvrdi veliku pogrešku u svom radu (npr. pogrešno citiranje, pogrešni podaci...), obavezan je u što kraćem roku o tome obavijestiti urednika nezavisno o tome u kojoj se fazi objave nalazi sporni rad.

4. OBAVEZE IZDAVAČA

Izdavač se obavezuje da će prilikom objave časopisa omogućiti anonimnost recenzentskog postupka te da kroz proces obrade podataka i prilagodbe za štampu ni na koji način neće razotkriti sadržaj svakog pojedinog broja prije nego što bude dovršen postupak štampe i distribucije.

Izdavač se obavezuje da će nastojati objavljivati godišnju štampu časopisa unutar aktuelne godine, te da će autore zaprimljenih članaka nastojati pravovremeno obavijestiti o recezentskoj prosudbi dodijeljene kategorizacije rada te o vremenu u kojem će članak izaći.

Članovi Uredništva neće zloupotrijebiti svoj položaj u Uredništvu i primiti bilo koji oblik materijalne ili neke drugi koristi te zloupotrijebiti ovlast i položaj radi ostvarenja neke koristi za sebe ili neku drugu osobu.

Članovi Uredništva i Savjetodavnog odbora obavezuju se prijaviti svaku uočenu nedosljednost i odstupanje od odrebi navedenih u ovom Pravilniku.

Uredništvo se obavezuje da će poštivati sve navedene stavke definirane ovim *Pravilnikom*, te eventualno uočene nove etičke kontraverze, nastojati prilagoditi njegovom poboljšanom verzijom.

U Zenici, 5. septembra 2018. godine

UREDNIK ZBORNIKA
Vanr. prof. dr. Izet Pehlić

